



Pembayaran fasa ketiga Bantuan Sara Hidup 2019 mulai 28 Ogos 2019

SIARAN MEDIA KEMENTERIAN KEWANGAN MALAYSIA

PEMBAYARAN FASA KETIGA BANTUAN SARA HIDUP 2019 MULAI 28 OGOS 2019

Pembayaran fasa ketiga Bantuan Sara Hidup (BSH) 2019 akan dikreditkan terus ke akaun bank dengan menggunakan maklumat akaun bank yang digunakan semasa pembayaran fasa kedua BSH 2019, mulai **28 Ogos 2019 (Rabu)**. Peruntukan yang terlibat adalah sebanyak **RM1.23 bilion** dan memanfaatkan hampir **3.6 juta penerima BSH**. Perincian nilai BSH 2019 yang diterima oleh isi rumah yang diluluskan mengikut pendapatan bulannya adalah seperti berikut:

Pendapatan Bulanan Isi Rumah	Bawah RM2,000	RM2,001 –RM3,000	RM3,001 –RM4,000
Fasa 1 (Januari 2019)	RM300	RM300	RM300
Fasa 2 (Mei 2019)	RM300	RM150	RM100
Fasa 3 (Ogos 2019)	RM400	RM300	RM100
JUMLAH	RM1,000	RM750	RM500

Sejumlah **RM2.85 bilion** juga telah disalurkan bagi bayaran fasa pertama (Januari 2019) dan kedua (Mei 2019) BSH 2019 kepada isi rumah yang diluluskan, termasuk bayaran kadar tambahan sebanyak RM120 bagi setiap orang anak tanggungan terhad kepada maksima 4 orang anak. Anak tanggungan merujuk kepada anak berumur 18 tahun dan ke bawah dan juga anak OKU tanpa had umur.

Sekiranya terdapat sebarang pertanyaan lanjut, boleh menghubungi talian bebas tol 1-800-88-2747 serta e-mel kepada bsh@treasury.gov.my.

